

Bima - Salamakai Alkitab - Salvation Scriptures

Efesus 2:2 Aipu wakatu ede nggomizoho vatumu rabiasakai va dunia ake; aona nggomizoho to'a zimakuasakai langi, edezu roh ma ake makuasakai ade dou-dou ma wati to'a zi Ruma Hatalla.

Matius 6:10 Ita Sangaji la madazoho. Raho-raho to'impa Ita maparenta zi dunia ro zikane'ekai va Ita zito'akai vune zi saroga.

Lukas 22:42 "Ama," nggahi-Na, "nggara loasi, takazo'o to'ipu zi Mada susa ra ncoki zi iu va Mada ake. Pala aina rakane'e va ndai Mada, malaisi rakane'e va ndai Itampa."

Yahya 16:7-9 Pala Nahu manggahi ma podana zi nggomizoho: Nancewi tahopu ziru'u va nggomizoho, nggara laosi Nahu; vara nggara Nahu watisi laoku, Mabantumu ede wati zimamai zi nggomizoho. Pala laosi Nahu, Nahu zimanggadu Sia zi nggomizoho. 8 Nggara namaisi Sia, Sia zimakatadana zi dunia aona ma poda mavoha dosa, zi au ramapoda, ro razi hukuma Yehowah. 9 Sia zimanggahina va one watisi imbi zi Nahu edezu dosa; 10 va one Nahu poda, vara Nahu lao zi Ama ro nggomizoho wati zima'eda Nahu wali;

2 Timotius 2:10 Vara ndedena lembokai ade nahu matanggu sara'ana ede va zi pentikai dou-dou rawa'u kazale va Ruma Hatalla, loakuzu siazoho rau rakana salama rambei kai ncai Ruma Isa Al Masih, ro kai zese ra ntasa ma ederahizi.

Roma 15:20,21 Ne'e va nahu edezu ngoa ra kahaba Haba Mataho ma ramai ta Ruma Hatalla zi hizi-hizi tavera watipu ringakai va dou mavoha Al Masih. Vara nahu wati ne'ku tu'u karawi zi dasa ratoho va dou makalai. 21 Zi ade Alkitab ratunti, "Dou-dou ma watipu iu tarima haba mavoha Sia, zima'eda; ro siazoho ma watipu iu ringa, zimaloa ka'ao."

Kisah Rasu-Rasu 2:36,37 Vara ndedena sara'a dou Israel pavuaku vade poda-podana va one Ruma Isa rasalib va nggomizoho ede, Ruma Isa ede rauku ma wa'ura kandazi va Ruma Hatalla ndazi Ruma ro Sangaji Mambei salama!" 37 Wakatu ringa va dou-dou ede lampa rawi ede, nawancuku darura adena siazoho. Edempara siazoho sozina zi la Petrus ro rasu-rasu ma kalaina, "Cina ra anggi, auku zi pavua karawi va nami?"

Ibrani 4:2 Vara Haba Mataho ede wa'ura ngoa ra kahabana zi ndaita sama vune zi siazoho. Pala ziru'u siazoho, haba ede wati wara onena. Vara wakatu siazoho ringana, siazoho wati imbina.

Yeremia 24:7 - Matius 22:37 Cambe va Ruma Isa, "Meci ra ca'upu Ruma Hatalla Rumamu kai sapoda-sapodana ademu, kai samenana nawa ra sarumbumu, ro kai sara'a fiki ra kananumu.

Kisah Rasu-Rasu 16:14 Savua dou zi ade weki siazoho edezu savua dou madaga kaena keta, ngarana la Lidia dou Tiatira. Sia nameci ra ca'uku Ruma Hatalla, edempara Ruma makaruku wea adena loakuzu sia tarima aona au rangoa ra tei va la Paulus zi sia.

Matius 13:14-16 Kai ede ndazira au ranggahi Ruma rakarongga va Nabi Yesaya, 'Ruma Hatalla manggahi: Siazoho zimaringa ncau pala wati loana ka'ao; siazoho zimatio kavae ncau pala wati vadena mandazi. 15 Vara fiki ra kananu dou-dou ake nawa'ura mpula, fiko siazoho nawa'ura ndazi mpinga ro mada siazoho nawa'ura kapu wea. Ake ndazina loakuzu mada siazoho aina loana eda, fiko siazoho aina loana ringa, fiki ra kananu siazoho aina loana ka'ao ro aina mbalina zi Nahu, edempara Nahu makataho siazoho' " 16 "Pala wancuku labamu nggomizoho," nggahi Ruma Isa zi anamorizoho-Na, "Vara nggomizoho poda ra'edamu ro raringamu.

Yesaya 6:9,10 - Kisah Rasu-Rasu 28:27 Vara kananu bangsa ake wa'ura ndazi dampa, fiko siazoho wa'ura ndazi mpinga ro mada siazoho wa'ura kapu wea. Ake ndazikaina loakuzu mada siazoho wati loana eda, fiko siazoho vavaina ringana, kananu siazoho aina loana ka'ao, ro aina mbalina zi Nahu, edempara Nahu zimakatahona siazoho.' "

Markus 4:11,12 Edempara Ruma Isa nggahina zi siazoho, "Nggomizoho wa'ura mbei va Ruma bareka zi vadekaimu rahasia Karaja'an Yehowah. Pala dou-dou ma kalai rangoa ra tei kai conto ra ibara, 12 Loakuzu 'Siazoho zimatio ra kade'e ncau pala wati vadena au ma ndazi, siazoho zimaringa ncau-ncau, pala wati loana ka'ao, ake ndazina loakuzu siazoho aina edana ro loana ka'ao ro aina maina zi Ruma Hatalla ro Ruma Hatalla makangampu wea siazoho.' "

Yahya 12:39,40 Vara ndedena siazoho wati ngawana imbi, vara la Yesaya wa'ura nggahi rauna, "Nggahi Ruma Hatalla, 40 'Nahu makambudana mada siazoho, zimakaterana ade siazoho; loakuzu mada siazoho wati loana eda, fiki ra kananu siazoho wati loana ka'ao. Loakuzu siazoho aina mbali zi Nahu, edempara Nahu katahoku supu siazoho.' "

Roma 11:7,8 Ndazi, vuneku? Ela ra dou Israel wati rakana au rangupa va siazoho. Ma rakana cuma sakalombo to'i dou-dou ma rawa'u kazale va Ruma Hatalla. Ma kalai sara'ana ndazi tera tutana zi ade oukai va Ruma Hatalla. 8 Vara zi ade Alkitab ratunti ndake, "Ruma Hatalla ndawina ade ro fiki ra kananu siazoho ndazi sampula; ro sampe wakatu ake isi mada siazoho wati loana eda ro fiko siazoho wati loana ringa."

2 Tesalonika 2:10,11 Sia zimakani samenana kuku keko ma davae zi kasantudana dou-dou zima'ihha leli. Siazoho zima'ihha leli vara tula aona ro wati ca'una haba ma poda ma ramai ta Ruma Hatalla ma loana kasalama siazoho. 11 Vara ndedena Ruma Hatalla kamaina zi siazoho savua kuasa

ma kasantuda, ndazina siazoho imbi zi au ma wati podana.

Matius 13:18-23 "Ringapu au aona conto ra ibara mavoha dou mapari zei ede.

19 Zei ma mavu zi ncai vune santika dou-dou ma ringa haba mavoha Karaja'an Saroga, pala wati loana ka'ao. Mai Ibilis rampana au rawa'u ngguza zei ade siazoho. 20 Zei ma mavu zi dana mamboto wadu, vune santika dou ma ringa haba ede, ro tarima lalona kai sana ade. 21 Pala haba ede wati ciana zei ade siazoho, ndazi wati ntoina. Ndede iuna ncoki ra susa atao rakancoki va dou vara haba ede, siazoho murta lalona. 22 Zei ma mavu zi woha mpori rui vune santika dou-dou ma ringa haba ede, pala nambali mbuaku vuneku mori siazoho ro nane'e mori ntau ra wara poda. Vara ndedenahaba ma ramai ta Ruma Hatalla na'apiku weki ngge'ena ta zei ade siazoho, ndazi wati ntauna wua. 23 Ro zei ma mavu zi dana ma ngawa vune santika dou-dou ma ringa haba ede, ro naloa ka'ao. Siazoho namboto wuana, wara ma saratu, wara ma inimpuru, ro wara ma tolu mpuru kali lipa hasina."

2 Korintus 3:15,16 Ake rau, nabacasi va siazoho buku-buku la Musa, tozu ede mbuipu vontona fiki rakananu siazoho 16 Pala nggara savua-vua dou mai satandona Ruma, tozu ede rau zi hengga razi pahu dou ede.

Hosea 11:3-7 - Matius 11:28-30 Maipu ara Nahu nggomizoho sara'a ma rome ra dawa'u, ro ma'iu tani rawa'ana; Nahu zimambei tenggo ra wale nggomi. 29 Vatupu parenta Nahu ro tana'opu zi Nahu. Vara Nahu ake nantika nggahi ra eli-Ku ro ka'awa weki, ndazi nggomi ma'iuku tenggo. 30 Vara parenta-parenta Nahu nambeiku sana, ro au rakau-Ku wa'a matani zi nggomizoho naneo."

Kisah Rasu-Rasu 26:18 zimahengga wea mada siazoho, loakuzu siazoho losa zi ade rindikaina ro lu'u zi ade taroakaina; loakuzu siazoho hori weki zi ade pangaru Ibilis, edempara kuasakai va Ruma Hatalla. Ndazi kai imbina zi Nahu dosa-dosa siazoho wa'ura kangampu wea ro siazoho maraka ru'u anggota ela Ruma Hatalla rakazale.' "

2 Timotius 2:24-26 Dou ma karawi ru'u Ruma wati patuna zimancao; sia pavuaku kambera zi samenana dou, ro maloa tei dou kai taho ro saba. 25 Sia pavuaku kai ntika nggahi ra eli tei dou-dou ma ca'u ao dou; raho-raho to'impa Ruma Hatalla mbeina ncai ru'u dou-dou ede zi tobakaina razi dosa-dosa siazoho ro napata ngoa ra tei ma ncihi. 26 Ade ndedekaina siazoho ndazi kawara mbali wekina, ro nahori weki razi kurukai va Ibilis marawa'u taha siazoho ro ma pakasa siazoho vatu wea kane'ena.

Wahyu 3:17-19 Nggomizoho manggahi, 'Nami ntau ra wara ro ncihi mena-mena, nami wati wara madancihimu.' Pala nggomizoho wati vademu nawancuku ncoki mori ro na'ipiku susa mori ra wokomu! Nggomizoho ncoki mori, maronda, ro mbuda. 18 Vara ndedenahaba ma mangoa ra tei

kataho nggomizoho loakuzu welimu zi Nahu masa, edezu masa ngganga, loakuzu nggomizoho ndazi ntau ra wara. Weli raupu kani ra lombo malanta razi Nahu loakuzu nggomizoho ntaumu kani ra lombo ro mavonto mori ra woko nggomizoho ma ronda ro zi majakai. Ro weli raupu lo'i zi kandaikai zi madamu loakuzu nggomizoho loamu eda. 19 Dou-dou rameci va Nahu, siazohoku zi rojo va Nahu rawina ro zi cambo va Nahu. Vara ndedena pavuapu nggomizoho kapodapu ademu, ro tobara razi dosa-dosamu.

2 Korintus 7:10 Vara ncoki ade vune ede nambeiku rungka ade ma kamaikaina salama. Ro dou wati zimasinci ade kai lampa rawi ede. Pala ndakeku, ncoki ade savuampa ncaina lavo kane'e manusia nambeiku made.

1 Sangaji 18:37 - Yehowah turned heart back to Yehowah

2 Korintus 4:4 Berhala madavae ma kuasakai dunia ake mavonto fiki ra kananu dou-dou ma wati imbi ede. Siara ma tapa-tapana siazoho loakuzu siazoho wati edana taroa razi Haba Mataho ede mavoha na'e ra ntoruna Al Masih, edezu gambarana Ruma Hatalla.

Lukas 8:11-15 "Akeku aona conto ra ibara ede: Zei ede edezu nggahi ra eli Ruma Hatalla. 12 Zei ma mavu zi ncai vune santika dou-dou ma ringa nggahi ra eli ede. Pala mai Ibilis ro weha rampana haba ede zi ade siazoho, loakuzu siazoho aina imbina ro zi kasalama 13 Zei ma mavu zihizi mbotokai va wadu vune santika dou ma wakatu ringana haba ede, tarimana kai adena mataho. Pala haba ede wati ciana zi ade siazoho. Siazoho imbina cuma samporompa, ro wakatu mai coba'a, siazoho murtar. 14 Zei ma mavu zi ade woha mpori rui vune santika dou maringa haba ede, pala nambali mbua adena mavoha mori ra woko siazoho ro ne'ena mori ra woko ma'ipi taho poda ro sanakai zi ade dunia ake. Sara'ana ede ma'apina siazoho ndazikaina wati mbuana wua ma ntasa. 15 Zei ma mavu zi dana ma ngawa vune santika dou ma ringa haba ede, edempara wi'ina zei adena ma taho ra rombo. Siazoho natenggo sampe mbuakaina."

Kisah Rasu-Rasu 15:11 Pala, ndai ta'imbiku ro ndai zikasalama vara anugera Ruma Isa; ndede rauja siazoho."

Roma 8:13 Vara nggara nggomizoho mori vatumu tabe'a manusia, ndazi nggomizoho zimamade; pala nggara kai kuasa Roh Yehowah, nggomizoho mahade ncauku ruku ra rawi-ruku ra rawimu ma dosa, ndazi nggomizoho zimamori.